

abillak izanagatik,
izan liteke; baña alare
eztala esango det nik,
ark laja duen utsun aundiya
iñork beteko dabenik.

V. IRAOLA.

OROIGARRI BAT

¡O! Pedro Mari gizon argiya
aldendu zera mundutik,
euskaldun denak emenchen gaude
egiñaz negar gogotik;
ez degu bada geigo entzungo
zure kantacho politik;
orreatikan etzaigu joango
penarikan biyotzetik.

Ez gera bada zutzaz aztuko
munduban bizi geranak,
ez du merezi ez aztutzia
zuk egin dituzun lanak;
alde danetan zabaldu dira
zure bertsochoen famak
neke guziyen zari ederra
eman dezaizula Jaunak.

ROSARIO ARTOLA.

MAISU OTAÑO-RI

Eriotz otzak gugandi batetan
usoa modu ereman zinduben,
argati zutaz oroiturik emen
biotzak samiñ dadukaz benetan.